



Broj: T18 0 KTK 0015815 21
Brčko, 30.12.2021. godine

OPTUŽNICU

Protiv:

JASMINA RAVKIĆA ... rođen ... 1987. godine u Brčkom ...

Što je:

U periodu od početka 2020. godine do mjeseca oktobra 2020. godine, na području Brčko distrikta BiH, nakon što su odlukom Centralne izborne komisije BiH broj 05-1-07-1-393-1/20 od 07.05.2020. godine raspisani lokalni izbori u Bosni i Hercegovini, pa tako i neposredni izbori za poslanike u Skupštini Brčko distrikta BiH koji su se održavali dana 15.11.2020. godine, stupio u kontakt sa P. M., znajući da je on nosilac liste političke stranke „Hrvatska seljačka stranka“ (HSS) i kandidat te stranke za poslanika u Skupštini Brčko distrikta BiH, kao i da je u dužem periodu obavljao funkcije u organima zakonodavne i izvršne vlasti Brčko distrikta BiH i da ima uticajan položaj u društvu, pa nakon što mu je P. M. predstavio da putem svoga uticaja na njemu poznato službeno lice suda u Brčkom može ishodovati zamjenu kazne zatvora, na koju je osuđen presudom Opštinskog suda u Srebreniku, radom za opšte dobro na slobodi u JP „Komunalno Brčko“, ali da mu zauzvrat mora obezbjediti određeni broj ličnih karata lica sa pravom glasa, kako bi mogao iskoristiti njihova lična dokumenta za prijavljivanje glasača za glasanje izvan BiH, pristao da to učini, te iako svjestan da prikupljanjem ličnih identifikacionih dokumenata građana Bosne i Hercegovine, korištenjem njihovih ličnih podataka o imenu, prezimenu, datumu rođenja, adresi stanovanja, jedinstvenom matičnom broju, a radi podnošenja prijava za glasanje na lokalnim izborima u Bosni i Hercegovini, stvara uslove za izvršenje krivičnog djela Prevara pri glasanju iz člana 193. Krivičnog zakona Brčko distrikta BiH, znajući da je za prijavu za glasanje izvan BiH neophodno dostaviti i kopiju jednog od važećih identifikacionih dokumenata sa fotografijom, od njemu poznatih lica: S. A., M. A., A. A.K. A., A. B., S. Č., E. Č., S. H., S. L.A. R.D. T., Dž. Z.S. Z., Dž.e Z.Š. Z., S. Z. i R. R., svi sa prebivalištem u Brčko distriktu BiH, pribavio lične karte, dok je od Z. Z. pribavio pasoš i predao ih P. M. i M.G., koji su upotrebom svojih fotoaparata i mobilnih telefona fotografisali lična dokumenta navedenih lica, nakon čega su tokom druge polovine 2020. godine, identifikacioni dokumenti S. A., M. A., A. A., K. A., A. B., S. Č.E. Č., S. H., S. L., A. R.D. T., Dž. Z., S. Z., Dž. Z., Z. Z.a i Š. Z., bez njihovog znanja i saglasnosti, u kopiji i u štampanom obliku dostavljeni Centralnoj izbornoj komisiji BiH u prilogu obrazaca PRP-1 Prijava za glasanje izvan BiH, po kom osnovu su ta lica registrovana za glasanje izvan BiH,

dakle, neposredno licu koje ima društveni i uticajni položaj, učinio i obećao korist da to lice posreduje da službeno lice u insistaciji Brčko distrikta BiH izvrši službenu radnju, te nabavio i pripremio sredstva i preduzeo drugu radnju koja stvara uslove za direktno učinjenje, ali nije dio učinjenja krivičnog djela propisanog zakonom u Brčko distriktu BiH za koje se može izreći kazna zatvora tri godine ili teža kazna, a za pripremanje pojedinog krivičnog djela nije propisana posebna kazna,

čime je učinio krivično djelo Davanje nagrade ili drugog oblika koristi za trgovinu uticajem iz člana 376a stav 1. Krivičnog zakona Brčko distrikta BiH u sticaju sa krivičnim djelom Pripremanje krivičnog djela iz člana 333. Krivičnog zakona Brčko distrikta BiH, sve u vezi sa članom 54. Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
